



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐ

Հ Ր Ա Մ Ա Ն

25» Ապրիլի 2006 թ.

N 65-ՆՆ/1

«ԳԱՎԱՌԻ ՄԱՆԿԱՏՈՒՆ» ՊԵՏԱԿԱՆ ՈՉ ԱՌԵՎՏՐԱՅԻՆ  
ԿԱԶՄԱԿԵՐՊՈՒԹՅԱՆ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Պետական ոչ առևտրային կազմակերպությունների մասին»  
Հայաստանի Հանրապետության օրենքի 11-րդ հոդվածով՝

ՀՐԱՄԱՅՈՒՄԵՄ


1. Հաստատել՝

ա) «Գավառի մանկատուն» պետական ոչ առևտրային կազմակերպության  
կանոնադրությունը նոր խմբագրությամբ (կցվում է),

2. «Գավառի մանկատուն» պետական ոչ առևտրային կազմակերպության  
տնօրեն Ն. Նալբանդյանին՝

ա) եռօրյա ժամկետում «Խարբերդի մասնագիտացված մանկատուն» պետական  
ոչ առևտրային կազմակերպության կանոնադրությունը սահմանված կարգով  
ներկայացնել պետական գրանցման,


բ) «Գավառի մանկատուն» պետական ոչ առևտրային կազմակերպության  
կանոնադրության պետական գրանցումից հետո 15-օրյա ժամկետում իրականացնել  
իրավաբանական անձին հատուկ ատրիբուտների (կնիք, դրոշմակնիք և այլն)  
ձեռավորման հետ կապված կազմակերպական աշխատանքները:



Ա. ՎԱՐԳԱՆՅԱՆ

«ՀԱՍՏԱՏՎԱԾ Է»

Հայաստանի Հանրապետության  
աշխատանքի և սոցիալական հարցերի  
նախարարի  
2006թվականի  
N... հրամանով



«ԳՐԱՆՑՎԱԾ Է»

Հայաստանի Հանրապետության  
իրավաբանական անձանց  
պետական ռեգիստրի Գավառի  
տարածքային բաժնում  
2006թվական  
գրանցման վկայական թիվ  
Բաժնի պետ

փոփոխություններ գրանցված են-----

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՇԽԱՏԱՆԵՐԻ ԵՎ  
ՍՈՑԻԱԼԱԿԱՆ ՀԱՐԾԵՐԻ ՆԱԽԱՐԱՐՈՒԹՅԱՆ «ԳԱՎԱՌԻ  
ՄԱՆԿԱՏՈՒՆ» ՊԵՏԱԿԱՆ ՈՉ ԱՌԵՎՏՐԱՅԻՆ  
ԿԱԶՄԱԿԵՐՊՈՒԹՅԱՆ

Կ Ա Ն Ո Ն Ա Դ Ր ՈՒ Թ Յ ՈՒ Ն

## I. Ընդհանուր դրույթներ

1. Հայաստանի Հանրապետության աշխատանքի և սոցիալական հարցերի նախարարության «Գավառի մանկատունը» (այսուհետ՝ մանկատուն), շահույթ ստանալու նպատակ չհետապնդող, իրավաբանական անձի կարգավիճակ ունեցող, մանկական խնամակալական պետական ոչ առևտրային կազմակերպություն է:

Մանկատունը ստեղծվել է Հայաստանի Հանրապետության աշխատանքի և սոցիալական հարցերի նախարարության «Գավառի մանկատուն» պետական հիմնարկի վերակազմավորման միջոցով և հանդիսանում է վերջինիս իրավահաջորդը:

2. Մանկատան գործունեությունը կարգավորվում է Հայաստանի Հանրապետության Զարգացիական օրենսգրքով, «Պետական ոչ առևտրային կազմակերպությունների մասին» Հայաստանի Հանրապետության օրենքով, իրավական այլ ակտերով, սույն կանոնադրությամբ:

3. Մանկատունը ստեղծված է համարվում օրենքով սահմանված կարգով պետական գրանցման պահից:

4. Մանկատան գործունեությունը ֆինանսավորվում է Հայաստանի Հանրապետության պետական բյուջեից, Հայաստանի Հանրապետության և օտարերկրյա պետությունների կազմակերպությունների և ֆիզիկական անձանց նվիրատվություններից, բարեգործական նպատակներով տրամադրվող միջոցներից, իր կողմից իրականացվող ձեռնարկատիրական գործունեությունից և օրենքով չարգելված այլ գործունեությամբ ստեղծված միջոցներից:

5. Մանկատունը որպես սեփականություն ունի առանձնացված գույք և իր պարտավորությունների համար պատասխանատու է այդ գույքով:

Մանկատունը կարող է իր անունից ձեռք բերել և իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

6. Մանկատունը այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:

7. Հիմնադիրը պատասխանատու չէ մանկատան պարտավորությունների, իսկ մանկատունը՝ իր հիմնադրի պարտավորությունների համար:

8. Մանկատունն ունի Հայաստանի Հանրապետության պետական զինանշանի պատկերով և իր անվամբ կլոր կնիք ու դրոշմակնիք, ինչպես նաև ձևաթղթեր:

9. Մանկատունն ունի ինքնուրույն հաշվեկշիռ, հաշվարկային հաշիվ բանկերում՝ Հայաստանի Հանրապետության արժույթով և արտարժույթով:

10. Մանկատան գտնվելու վայրն է. Հայաստանի Հանրապետություն, Գեղարքունիքի մարզ, ք. Գավառ, Օգոստոսի 23-ի փողոց – 106:

11. Մանկատան անվանումն է՝

հայերեն լրիվ՝ ՀՀ աշխատանքի և սոցիալական հարցերի նախարարության

«Գավառի մանկատուն» պետական ոչ առևտրային կազմակերպություն

հայերեն կրճատ՝ ՀՀԱՍՀՆ ԳՍՊՈԱԿ

ռուսերեն լրիվ՝

Министерство Труда и Социальных Вопросы РА, «Детский Дом  
Города Гавар», Государственная Не Коммерческая Организация

ռուսերեն կրճատ՝ ДДГГГНКО МТСВРА

անգլերեն լրիվ՝ REPUBLIC OF ARMENIA MINISTRY OF LABOUR AND SOCIAL ISSUES

«Orphan, s House of Gavar» non-trade organization

անգլերեն կրճատ՝ RAMLSI OHGNTO:

## II. Մանկատան գործունեության նպատակը և առարկան

12. Մանկատան նպատակը առանց ծնողական խնամքի մնացած երեխաների շտրջօրյա խնամքի և դաստիարակության ապահովումն է:

13. Մանկատան գործունեության առարկան է խնամվող 3-18 տարեկան երեխաների սոցիալ-հոգեբանական վերականգնման աշխատանքների իրականացումը, նրանց իրավունքների և օրինական շահերի պաշտպանությունը, սննդով, հագուստով և կենցաղային այլ անհրաժեշտ իրերով ապահովումը, մտուցման և բժշկական օգնության, հետագա կյանքի կազմակերպումը՝ Հայաստանի Հանրապետության օրենսդրությամբ սահմանված կարգով որդեգրության կամ խնամակալության հանձնելու միջոցով:

## III. Մանկատան գործառույթները

14. Մանկատունն իրականացնում է հետևյալ գործառույթները.

- ա) կազմակերպում է երեխաների ընդունելությունը
- բ) աջակցում է նրանց հարմարվելու նոր սոցիալական միջավայրին
- գ) կազմակերպում է սաների կենցաղային սպասարկումը, ապահովում է նրանց համապատասխան խմբասենյակներով, անկողնային պարագաներով, հագուստով, կոշիկներով
- դ) ապահովում է համապատասխան սննդով՝ ելնելով երեխայի տարիքից և առողջական վիճակից
- ե) կազմակերպում է մասնագետ բժիշկների օգնություն, շտրջօրյա բժշկական սպասարկում, անհրաժեշտության դեպքում՝ դիսպանսերիզացում և հոսպիտալացում
- է) իրականացնում է երեխա որդեգրել ցանկացող քաղաքացիների ծանոթացումը որդեգրման ենթակա երեխաների հետ օրենսդրությամբ սահմանված կարգով
- ը) նախապատրաստում է որդեգրման կամ խնամակալության հանձնվող երեխաների փաստաթղթերը
- թ) կազմակերպում է երեխաների ամառային հանգիստը
- ժ) ստեղծում է մասնագիտացված աշխատատեղեր և կազմակերպում երեխաների մասնագիտացմանն ուղղված աշխատանքներ:
- ժա) անցկացնում է սանհիգիենիկ, հակահամաճարակային միջոցառումներ
- ժբ) կազմակերպում է աշխատանքներ՝ ուղղված անձնակազմի որակավորման բարձրացմանը
- ժգ) պահպանում է սաների սեփականություն հանդիսացող գույքը Հայաստանի Հանրապետության օրենսդրությամբ սահմանված կարգով

15. Մանկատունը գտնվում է հատուկ կառուցված շենքում, որը համապատասխանում է սանիտար-հիգիենիկ, հակահրդեհային և անվտանգության տեխնիկայի պահանջներին և ունի երեխաների կյանքի ու կենցաղի համար անհրաժեշտ բարեկարգ պայմաններ:

16. Մանկատունը կարող է իրականացնել ձեռնարկատիրական գործունեության հետևյալ տեսակները՝ երեխաների խնամքի ու դաստիարակության վճարովի ծառայությունների մատուցում, խնամվողների և նրանց աշխատանքի կազմակերպիչների ուժերով խոշոր եղջերավոր անասունների, խոզերի, մսատու թռչունների բուծում, արտոֆիլի և բանջարեղենի աճեցում, այգեգործություն, գորգերի և կարպետների արտադրություն, ասեղնագործության, փայտե արտադրատեսակների արտադրություն, ջերմային էներգիայի արտադրություն և սպասարկում:

17. Մանկատունը կարող է ունենալ հիմնարկներ, ներկայացուցչություններ կամ մասնաճյուղեր, որոնք ստեղծվում են հիմնադրի որոշմամբ:

#### IV. Մանկատան կառավարումը

18. Մանկատան ընդհանուր կառավարումն իրականացնում է հիմնադրի կողմից լիազորված պետական մարմինը (այսուհետ՝ լիազորված պետական մարմին):

19. Լիազորված պետական մարմինը.

ա) ապահովում է մանկատան բնականոն գործունեությունը և պատասխանատվություն է կրում դրա շկատարման կամ ոչ պատշաճ կատարման համար

բ) հաստատում է մանկատան եկամուտների և ծախսերի տարեկան մախահաշիվը

գ) սույն կանոնադրությամբ սահմանված կարգով մանկատան տնօրենի ներկայացմամբ հաստատում է մանկատան կառուցվածքը և աշխատողների թիվը

դ) իրականացնում է մանկատան գործունեության նկատմամբ վերահսկողություն

ե) կասեցնում կամ ուժը կորցրած է ճանաչում մանկատան տնօրենի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրություններն ու ցուցումները

զ) լսում է մանկատան գործունեության մասին հաշվետվությունները, քննում է նրա գործունեության վերստուգման արդյունքները, հաստատում մանկատան տարեկան հաշվետվությունները և տարեկան հաշվեկշիռը

է) վերահսկողություն է իրականացնում մանկատան սեփականության պահպանության նկատմամբ, համաձայնություն է տալիս մանկատան գույքի օգտագործման կամ վարձակալության հանձնման համար

թ) իրականացնում է «Պետական ոչ առևտրային կազմակերպությունների մասին» Հայաստանի Հանրապետության օրենքով, հիմնադրի որոշումներով և սույն կանոնադրությամբ նախատեսված այլ գործառույթներ

20. Մանկատան ընթացիկ գործունեության ղեկավարումն իրականացնում է տնօրենը, որին նշանակում և ազատում է լիազորված պետական մարմինը:

21. Մանկատան տնօրենին պաշտոնի նշանակելն ու պաշտոնից ազատելը իրականացվում է «Պետական ոչ առևտրային կազմակերպությունների մասին» Հայաստանի Հանրապետության օրենքով:

Տնօրենը պետք է ունենա բարձրագույն կրթություն:

Տնօրենի հետ կնքվում է պայմանագիր, որը հիմնադրի անունից ստորագրում է լիազորված պետական մարմնի ղեկավարը: Պայմանագրով սահմանվում են տնօրենի իրավունքները, պարտավորությունները, պատասխանատվությունը և փոխհարաբերությունները լիազորված պետական մարմնի հետ, նրա աշխատանքի վարձատրության պայմանները, պայմանագրի դադարեցման օրենքով նախատեսված բոլոր հիմքերը և այլ դրույթներ, որոնք անհրաժեշտ կգտնեն պայմանավորվող կողմերը: Պայմանագրի դրույթները չեն կարող հակասել Հայաստանի Հանրապետության աշխատանքային օրենսդրության պահանջներին՝ բացառությամբ օրենքով նախատեսված դեպքերի:

22. Տնօրենը պատասխանատվություն է կրում օրենքների, այլ իրավական ակտերի, հիմնադրի կամ լիազորված պետական մարմնի որոշումների, սույն կանոնադրության և կնքված պայմանագրերի պայմանները չկատարելու կամ ոչ պատշաճ կատարելու համար:

Մանկատան տնօրենը օրենսդրությամբ սահմանված կարգով հանդես է գալիս որպես մանկատան երեխաների խնամակալ:

23.Տնօրենը չի կարող զբաղեցնել այլ պաշտոն կամ կատարել վճարովի այլ աշխատանք, բացի գիտական, մանկավարժական և ստեղծագործական աշխատանքից:

24.Տնօրենը լրիվ գույքային պատասխանատվություն է կրում իր մեղքով մանկատանը և (կամ) պետությանը պատճառած վնասի համար: Նրա լիազորությունների դադարեցումը հիմք չէ պատճառած վնասը հատուցելու պարտականությունը չկատարելու համար:

25.Տնօրենը.

ա) առանց լիազորագրի հանդես է գալիս մանկատան անունից, ներկայացնում է նրա շահերը և կնքում է պայմանագրեր

բ) Հայաստանի Հանրապետության օրենսդրությամբ, հիմնադրի և լիազորված պետական մարմնի որոշումներով և սույն կանոնադրությամբ սահմանված կարգով տնօրինում է մանկատան գույքը, այդ թվում՝ ֆինանսական միջոցները

գ) տալիս է մանկատան անունից հանդես գալու լիազորագրեր, այդ թվում՝ վերալիազորման իրավունքով լիազորագրեր,

դ) աշխատանքային պայմանագրեր է կնքում և լուծարում մանկատան աշխատողների հետ, նրանց նկատմամբ կիրառում է խրախուսական միջոցներ և տալիս կարգապահական տույժեր

ե) բանկերում բացում է հաշվարկային հաշիվներ

զ) կատարում է աշխատանքի բաշխում փոխտնօրենների միջև,

է) լիազորված պետական մարմնի հաստատմանն է ներկայացնում մանկատան կառուցվածքի, աշխատողների թվի, ներքին կարգապահական և այլ կանոնների վերաբերյալ փաստաթղթեր

ը) օրենքով և սույն կանոնադրությամբ սահմանված կարգով իր լիազորությունների սահմաններում արձակում է հրամաններ, տալիս կատարման համար պարտադիր ցուցումներ և վերահսկում դրանց կատարումը

թ) սահմանված կարգով լիազորված պետական մարմին է ներկայացնում մանկատան եկամուտների և ծախսերի տարեկան նախահաշիվը

ժ) հաստատում է ձեռնարկատիրական գործունեության եկամուտների և ծախսերի նախահաշիվը

ժա) իրականացնում է Հայաստանի Հանրապետության օրենսդրությանը չհակասող այլ լիազորություններ

ժբ) հաստատում է մանկավարժական խորհրդի կանոնադրությունը

26.Տնօրենը պարտավոր է չկատարել հիմնադրի և լիազորված պետական մարմնի՝ Հայաստանի Հանրապետության օրենսդրությանը հակասող որոշումները, կարգադրությունները, հրամանները, հրահանգները և դրանց չկատարման համար չի կարող ենթարկվել պատասխանատվության:

27.Տնօրենի բացակայության ժամանակ, նրա հրամանով, տնօրենի լիազորություններն իրականացնում է փոխտնօրենը:

28.Երեխաների խնամքի, ուսուցման, բժշկա-սոցիալական, սոցիալ-հոգեբանական վերականգնման, դաստիարակչական հարցերը քննարկելու և լուծելու նպատակով ստեղծվում է սոցիալ-մանկավարժական խորհուրդ (այսուհետև՝ խորհուրդ):

29. Խորհրդի կազմում ընդգրկվում են տնօրենը, տեղակալները, ավագ մանկավարժը, աշխատանքի հրահանգիչներ, խմբակների ղեկավարները, բժիշկը, այն դպրոցի տնօրենը, որտեղ սովորում են սաները և այլ մասնագետներ, լիազորված պետական մարմնի ներկայացուցիչը:

30.Խորհուրդը կազմվում է առնվազն 11 անդամներից:

31.Խորհրդի նախագահը ընտրվում է խորհրդի անդամներից՝ խորհրդի կանոնադրությամբ սահմանված կարգով:

32.Խորհրդի նիստերը գումարվում են եռամսյակը մեկ անգամ և ըստ անհրաժեշտության դեպքում:

33.Խորհուրդն իրականացնում է հետևյալ գործառույթները.

ա) քննարկում և հաստատում է մանկատան աշխատանքային պլանը, բուժադրոֆիլակտիկ ծրագրերը ,ուսումնադասատիարակչական աշխատանքների ծրագրերը

բ) քննարկում է դաստիարակչական խմբերի աշխատանքների կազմակերպման հարցերը

գ) քննարկում է դաստիարակների,բժշկական անձնակազմի և այլ աշխատողների աշխատանքային գործունեությունը

դ) քննարկում է երեխաների խնամքի և սպասարկման նոր ձևերի ներդրման նպատակահարմարությունը

ե) քննարկում է երեխաների մասնագիտական կողմնորոշման ,մրանց հետագա ուսման կազմակերպման ,աշխատանքի տեղավորման հարցերը:

34.Խորհրդի գործունեության կարգը սահմանվում է խորհրդի կանոնադրությամբ:

35.Մանկատան աշխատողների իրավունքները և պարտականությունները սահմանվում են Հայաստանի Հանրապետության օրենսդրությամբ,սույն կանոնադրությամբ, կոլեկտիվ և աշխատանքային պայմանագրերով,մանկատան աշխատանքային ներքին կանոնակարգով և այլ իրավական ակտերով:

## V.Մանկատան սեփականությունը

36.Մանկատան սեփականությունը ձևավորվում է կազմակերպության հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող,ինչպես նաև մանկատան գործունեության ընթացքում արտադրված ու ձեռք բերված գույքից:

Մանկատան գույքի ձևավորման աղբյուր կարող են հանդիսանալ նաև Հայաստանի Հանրապետության և օտարերկրյա պետությունների իրավաբանական ու ֆիզիկական անձանց կատարած ներդրումները,այդ թվում՝ բարեգործական,նպատակային հատկացումներն ու նվիրատվությունները, կտակած գույքը:

37.Մանկատունն իրավունք ունի օրենքների ,հիմնադրի կողմից լիազորված պետական մարմնի որոշումների և սույն կանոնադրությանը համապատասխան իր հայեցողությամբ տիրապետել,տնօրինել և օգտագործել սեփականության իրավունքով իրեն պատկանող գույքն ու ֆինանսական միջոցները:

38.Մանկատան սեփականության իրավունքով պատկանող գույքի նկատմամբ հիմնադիրը չունի իրավունքներ,բացառությամբ մանկատան լուծարումից հետո մնացած գույքի:

39.Մանկատան սեփականության պահպանման հոգսը կրում է մանկատունը:

40.Մանկատան սեփականության վրա կարող է բռնագանձում տարածվել միայն դատական կարգով:

## VI. Մանկատանը ամրացված գույքը

41. Հիմնադրի որոշումով մանկատանը անժամկետ ու անհատույց օգտագործման իրավունքով ամրացվում է ցանկացած գույք:

42. Հիմնադիրն իրավունք ունի հետ վերցնել իր կողմից մանկատանը ամրացված գույքը:

43. Մանկատունն իրավունք չունի ամրացված գույքը կամ դրա նկատմամբ իր իրավունքներն օտարել, գրավ դնել, հանձնել անհատույց օգտագործման:

Մանկատունն իրավունք ունի իրեն ամրացված գույքը պետության անունից հանձնել վարձակալության, եթե դա արգելված չէ հիմնադրի որոշմամբ: Ամրացված գույքի օգտագործման արդյունքում մանկատան ստացած եկամուտները մանկատան սեփականությունն են:

44. Հիմնադրի կողմից մանկատան ամրացված անշարժ գույքի կամ պետական պարտադիր գրանցման ենթակա գույքի նկատմամբ մանկատան օգտագործման իրավունքը ծագում է դրանց նկատմամբ իրավունքի պետական գրանցման պահից:

## VII. Մանկատան ձեռնարկատիրական գործունեությունը

45. Մանկատունն իր հիմնական գործունեությանը զուգընթաց ձեռնարկատիրական գործունեությանը կարող է զբաղվել միայն օրենքով կամ հիմնադրի որոշմամբ՝ ուղղակիորեն նախատեսված դեպքերում և գործունեության տեսակներով: Լիցենզավորման ենթակա գործունեության տեսակներով մանկատունը կարող է զբաղվել միայն լիցենզիայի առկայության դեպքում:

46. Մանկատան գործունեության ընթացքում առաջացած շահույթն օգտագործվում է սույն կանոնադրությանը նախատեսված նպատակների իրականացման համար՝ հիմնադրի սահմանած կարգով:

47. Հայաստանի Հանրապետության պետական բյուջեով մանկատան համար ուղղակիորեն նախատեսված միջոցների սահմաններում մանկատունը իր կարիքների համար գնումներ կատարում է «Գնումների մասին» Հայաստանի Հանրապետության օրենքի համաձայն: Մանկատան կողմից պետությանն այլ ծառայություններ, աշխատանքներ կարող են մատուցվել կամ ապրանքներ իրացվել միայն «Գնումների մասին» Հայաստանի Հանրապետության օրենքով նախատեսված կարգով:

48. Մանկատունը հարկերը, տուրքերը և պարտադիր այլ վճարումները վճարում է շահույթ ստանալու նպատակ չհետապնդող կազմակերպությունների համար նախատեսված կարգով ու չափով:

## VIII. Վերահսկողությունը մանկատան գործունեության նկատմամբ

49. Մանկատան գործունեության նկատմամբ վերահսկողությունն իրականացնում են հիմնադիրը, լիազորված պետական մարմինը, ինչպես նաև օրենքով նախատեսված այլ պետական կառավարման մարմիններ:

50. Մանկատան ֆինանսական հաշվետվությունների արժանահավաստությունը ենթակա է վերստուգման (աուդիտի)՝ լիազորված պետական մարմնի կողմից ընտրված անկախ աուդիտորական կազմակերպության կամ Հայաստանի Հանրապետության ֆինանսների և էկոնոմիկայի նախարարության ֆինանսական վերահսկողության ստորաբաժանման կողմից:



## IX. Մանկատան վերակազմավորումը և լուծարումը

51. Մանկատունը կարող է վերակազմավորվել հիմնադրի որոշմամբ՝ Հայաստանի Հանրապետության քաղաքացիական օրենքով սահմանված կարգով:

Մանկատունը դատական կարգով կարող է վերակազմակերպվել օրենքով սահմանված դեպքերում և կարգով:

52. Մանկատան լուծարմամբ նրա գործունեությունը դադարում է՝ առանց իրավունքների և պարտականությունների իրավահաջորդության կարգով այլ անձանց անցնելու:

53. Մանկատունը կարող է լուծարվել հիմնադրի որոշմամբ՝ Հայաստանի Հանրապետության քաղաքացիական օրենսգրքով սահմանված կարգով: Այն կարող է լուծարվել նաև սնանկության հետևանքով:

54. Մանկատունը դատական կարգով կարող է լուծարվել միայն օրենքով նախատեսված դեպքերում և կարգով:

55. Մանկատան լուծարման դեպքում նրա պարտատերերի պահանջների բավարարումից հետո մնացած գույքն ուղղվում է Հայաստանի Հանրապետության պետական բյուջե: